

隨

園

詩

話

隨園詩話補遺卷六

倉山居士著

余在山陰徐小汀秀才交十五金買全集三部余歸如
數寄之未幾信來說信面改三作二有振補遺方知寄
書人竊去一部矣林遠峰云新建吳某夜被盜七人明
火執仗捆縛事主甚鬧最後有美少年盛服而至翻擲
架上見宋板文選小倉山房詩集各一部笑曰此富兒
能讀隨園先生文頗不俗可釋之手兩書而去余按唐
人載李涉遇盜一事彷彿似之至于竊書者則又古人
所無方藕虹明府云高麗進士李承熏孝廉李喜明秀

才洪大榮等俱在都中購隨園集問余起居年齒甚殷
嘻余愧矣

那鑒堂

澄

爲常中丞

釣

之第四子牧通州時入山見訪

長身玉立清氣迎人入都後寄近作來讀之如接聲咳
步耕堂韻云蹤步高崗望禁城襟懷豁處念俱清樹排
盤磴野花滿水瀉深溝新漲平追想風塵爲俗更何如
耕鑿謝浮名尋幽莫恨無同調且喜心知其此行悼亡
云謝家風味最難忘不愛濃粧愛淡粧惜福如何偏減
算生憎檢點舊衣箱尋常小別尚依依况復長眠竟不
歸杯酒墓門空一奠白楊風冷紙錢飛

毛大瀛

海客

素

氏能詩初婚時毛贈云他日香閣傳

盛事鏡臺先拜女門生妻笑曰要改一字毛問何字曰
門字改先字方妥毛大笑後寄毛家信云出門七年寄
銀八兩兒要衣穿女要首飾巧婦不能爲無米之炊此
之謂也至千年年被放妾面增羞此皆妾命不齊累卿
如此夫復何言

吾鄉陳叔毅先生名曾毅阮亭高弟子也與湯西崖

西溟同時而至今無人知者嚴司馬

守田

寄抄稿來東

阿道上云嵐光到眼忽清虛不負吟情兀短驢石井泉
澆行客飯水田衣挂老僧廬兩頭雲幄張無數四面烟

鬢畫不如盡日小車行百里坐看山色卧看書先生
長干言情好風云輕軀細馬獨徘徊自把絲鞭不敢催
足鐙巧勝新月隱面羅剛被好風開花如欲折心還怯
路到分岐意屢猜夫婿不教相伴去阿誰扶下繡鞍來
哭妾云水晶簾下玉龍愁十樣新蛾畫未工留得青銅
三尺鏡更無人影在當中半枝樺燭夜熒熒記得歸遲
掩曲屏比玉能溫比花活最難忘是夢初醒避人洗手
作羹湯不遣郎知試教嘗直到加餐方笑問阿儂果否
勝厨娘

大常卿伊雲林先生

朝棟

素未識面托王詩亭給諫寄

稿商權詩多雋逸喜對亭移居相近云借得輕車載具
遷宣南坊地雁秋天桑林我已淹三宿花徑君初拓一
廬雲抹樓頭背其月烟銷井口曉分泉素心晨夕經過
數佳事應圖主客傳歸舟云殘月卸帆影長江一葦迥
烟寒瓜步樹潮走海門雷六代銷波底三山落酒杯儒
生仗忠信涉險興悠哉其子秉綬進士見寄云魯靈光
殿獨戢眉猶在寰中見末期早歲誦詩同尚友逢人問
訛當親師名園藏得三山勝妙筆兼將五色持聞道朱
顏映梅萼幾時來訪鄭當時

彭太守賁酒饋葛鎬亭路上爲僕人所覆葛調以詩云

食指而今笑不靈黃堂佳釀剩空瓶分甘特教貽三雅
東帶忙傳接五經徐氏聖賢來有信阮家兄弟去無形
路傍被餽公休問對菊依然我獨醒余爲其友何南園
刻詩葛又謝云蒐得遺編帶淚刊憐才出自大賢難鑑
空遇物無逃影花好逢春立改觀恩到九原知己少名
留千載夜臺安從今不羨方三拜賞識應同及第看余
尤愛其弔馬湘蘭云天教命薄爲官妓人實誰堪作丈
夫

對聯之佳者咸題禪堂云無法向人說將心替汝安佛
座云大護法不見僧過善知我

陰一陽之謂道此時此際難爲情題戲臺云做戲何如
看戲樂下場更比上場難題書齋云無求便是安心法
不飽真爲却病方或見贈云天上何曾有山水人間樂
得做神仙

李青蓮嘲魯儒有未行先起塵之句余少時云張晔始
識青育苦對面如同學究談有童子某嘲其師云褰衣
大袍方矩步腐氣衝天天亦懼有太白嘲魯儒之意

劉知幾云有才無學如巧匠無木不能運斤有學無才
如愚賈操金不能屯貨余以爲詩文之作意用筆如美
人之髮膚巧笑先天也詩文之徵文用典如美人之衣

裳首飾後天也至于腔調塗澤則又是美人之裹足穿耳其功更後矣

武林女士王樺影

如

嫁虹橋居士麟徵詩才清麗咏嬾

猶云山齋空豢小狸奴性嬾應慚守敝廬深夜持齋聲寂寂寒天媚寵睡蘊蘊花陰滿地閒追蝶溪水當門食有魚賴是鼠嫌貧不至不然誰護五車書曉色云殘星天上淡將落冷露花間滴未稀落花云正值鶯啼春樹曉那堪雨歇綠陰生

唐時汪倫者涇川豪士也聞李白將至修書迎之詭云先生好遊乎此地有十里桃花先生好飲乎此地有萬

家酒店李欣然至乃告云桃花者潭水名也並無桃花
萬家者店主人姓萬也並無萬家酒店李大笑歎留數
日贈名馬八匹官錦十端而親送之李感其意作桃花
潭絕句一首今潭已壅塞張惺齋題云蟬翻一葉墜
空林路指桃花崗可尋莫怪世人交誼淺此潭非復舊
時深惺齋乃詩人相國汝霖司馬之子落筆綽有家風
滿洲高孝廉別字雨非聞其玉樹臨風爲長安才子之
冠陶怡雲歸誦其懷隨園云名從五十年前盛交在三
千里外論余從未通書而蒙其推挹如此以未見其人
爲恨賦詩報謝云蒹葭倚玉知何日風雨懷人各一天

余冬月渡江過永濟寺有人題壁云楚宇沉沉裊篆烟
人能到此卽爲仙犬心尚且閒如許鎮自如來殿外眠
末署云倘隨園老人過此見之不以爲野狐禪否末署
松嵐二字不知何許人

對亭給諫之次子王鳳書年十七孔翔之弟也無題云
倚舟春思正徘徊恰值仙郎覲面來待要郎看還似怯
半窗斜掩半窗開北渡云北過黃河不見山誰知此地
有峰巒抬頭絕似人離久分外褰簾要細看又村僻犬
驚車轍響地高鳥近屋簷飛句亦佳

咏折花者潘蘭如云風枝露蕊夜初開金剪商量密處

裁爲贈美人才折汝也應笑入手來揚州汪坤云手
折花枝翠黛顰殷勤欲寄遠征人明知到日應憔悴卽
此梅花見妾身

畫家有讀書之說余謂畫無可讀者讀其詩也偶過書
舖懸楊叔山詩一幅云飲酒看書四十年烏紗頭上卽
青天男兒微畫凌烟閣第一功名不愛錢又見薄仲文
竹筆筒上雕一詩云山外清江江外沙白雲深處有人
家船頭不是仙源近那得飛來數片花又筴江上題畫
云雲歸忽帶雨幾點木落又添山一峰

近今夫婦能詩者詩話中已載數人茲又得孫子瀟妻

席佩蘭字韻芬者南歸題上黨官署云一回頭處一凄然弱質曾經住兩年呼婢留心檢粧合莫教人拾舊花
細雨後棠梨片片殘飛來和淚濕闌干一花一草尋常
見到得離時却耐看春遊云放漿如飛落日遲並船想
見好花枝春游學得新興髻明日梳頭更八時惜春云
十樹花開九樹空一番疎雨一番風蜘蛛也解留春住
宛轉抽絲網落紅陸行云脫却風波踏地平穿將珠顆
數郵程明明馬鐸車前響錯認聞中鉄馬聲酸酒云个
中滋味誰嘗遍下第才人被放官哭安兒云一杯涼酒
奠靈床滴向泉臺哭斷腸誰是酒漿誰是淚教兒酸苦

自家嘗安兒年五歲能誦唐詩命出對云水如碧玉山
如黛應聲曰稟想衣裳花想容亦奇兒也

吾杭高怡園

景蒲

觀察之季女淡仙

韞珍

詩才清妙不

愧家風咏小青云朱門黃土恨年年草掩孤山墓可憐
消盡紅香如逝水生來薄命敢違天梨花春夢濛濛雨
柳色秋風漠漠烟多謝檀郎能瘞玉芳魂流落聖湖邊
除夕與淡人郎君同作云殘年已過春三日一歲猶餘
話半宵淡人湖上晚歸云荒村犬吠路冥冥移上天邊
幾個星山月未高湖面黑漁燈一點浦烟青歸來遠樹
低飛鳥遮住橫橋半截亭隔水人家看不見但聞笑語

出寒汀客中云病後吟詩多感舊醉中無夢不還家與
淡仙琴瑟甚調而淡仙早卒可悲也高公甲辰進士余
丁巳年主其家三月後爲銘墓以報其德

士風卑諂太史某惡而刺以詩中有吮癰舐痔字樣余
規之云下愚所爲賢者非特不爲亦不能知譬如鳳皇
翔于千仞下界有蛄蟻轉糞之蟲鳳皇未必知也王公
貴人辱詈其僕從在僕從未必辱而自已反損威重矣
原壤狂士也故孔子以杖叩之蔡經半仙也故麻姑以
鞭笞之其他庸惡之徒其能受聖人之杖仙人之鞭也
哉所謂孔子家兒不知罵曾子家兒不知路卽此意也

凡古人用雙字者如依依潺潺悠悠匆匆之類指不勝屈唐宋名家從無單用一字者近今詩人貪押韻又貪疊韻遂不得已而往往單用之此大謬也作者當以爲戒

吳太史竹橋寄鮑錦山詩來其人幕游客死屬余乘數語入詩話中秋夕云颺颺長廊落葉聲霞光黯淡照簷旌芙蓉泣露秋塘晚絡緯吟風小院清好夢似雲回首散新愁如水遂潮生無端觸眼驚陳迹洗馬茫茫此際情他如人間不夜皆因月天上無情豈是仙網歆屋角漁人散犬吠橋邊野棹還滿苑落花剛客到小樓聽雨

又春深俱佳

雍正間孫文定公作總憲李元直作御史陳法作部郎
三人巋巋自立以古賢相期京師號曰三怪余出孫公
門下采其行畧爲作神道碑後與李公子憲喬交好爲
撰墓志惟陳公觀察淮揚時余宰沐陽隸其屬下親承
風采平易可親及河帥白公被罪公獨以一疏保之致
革職戍邊信異人哉僅寄其卧病詩云高卧新秋及暮
秋酒場文社廣交遊蕭蕭髣髴髮愁潘令清瘦形骸笑
侯盡日間書留枕畔經時殘藥貯床頭世情肯信吾真
嬾奈是維摩疾未瘳公字世垂貴州人癸巳進士

金孝廉有句云病身對妾莊如客黃野翁有句云老眼
看燈大似輪此二句正可作對

黃蛟門寄張香岩云接到手書偏不發光從面外着平
安又有句云浣衣池漲春無雨糴米人歸屋有烟金陵
有此詩人而予不知

余園中種芭蕉三十餘株每早采花百朵吸其露甘鮮
可愛恐漢武所謂金華仙掌未必有此味也以一盤飛
送香亭渠謝詩云初日曛曛燦曉霞敲門驚起樹棲鴉
平頭奴子飛箋送一盒芭蕉帶露花叮嚀開盒便須餐
畧緩須臾露已乾從古成仙在頃刻莫教福薄走金丹

莊周何必賦逍遙一飲醍醐萬念消分與全家兒女喫
也呼鷄犬上烟霄不是神仙已是仙兄鋪明月弟耕烟
更期三萬六千日再乞瓊漿共上天

乾隆庚寅余在杭州訪蔣茗生太史聞寓湖州太守張
公處卽具名紙往投蔣未見乃有一幾冠者拱手出心
知是太守素無交而其意甚親未免愕然太守笑曰先
生不識我耶我早識先生並識先生之夫人貌作何狀
令姊貌作何狀歷歷如繪余益驚問故太守曰當年公
作翰林住前門外橫街我年九歲與公陸氏二甥同在
蒙館讀書塾師放學後嬉遊公家公姊及夫人梳頭常

在夢手進梳篦公過猶呼餅餌哦我公竟忘耶余謝曰
事實未忘不料昔日聖童今爲公祖也惜二甥早亡矣
相與唏噓者久之從此遂別更二十年公子惠堂孝廉
來權知溧水又是余改官江南第一次捧檄之所重重
春夢思之惘然其前事迹已作七古一篇贈蔣梓入集
中矣今年衰不能再贅乃作一聯贈惠堂云後我卅年
同爲南國親民宰通家兩代曾見而翁上學時蓋實飲
平生佳話非敢揆長也

張毅齋

珠

香岩秀才之兄也有絕句云板橋一望雨初

晴映水紅欄分外明底事簾前香不散晚風吹過賣花

聲聞鶯云高士有情頻側耳香闌無夢亦關心

庚戌冬余有感于相士壽終七六之言戲作生挽詩招
同人和之不料壬子春竟有傳余已故者信至蘇州徐
朗齋孝廉邀王西林林遠峯諸人爲位以哭見挽云名
滿人間六十年忽聞騎鶴上青天騷壇痛失袁臨汝仙
界爭迎葛稚川著作自垂青史後彭殤早悟黑頭先望
風不敢吞聲哭但視遲郎繼後賢余讀之笑曰昔范蜀
公悞哭東坡有淚無詩今諸君悞哭隨園有詩無淚然
而淚盡數行詩留千古矣

金紹鵬

秀才

病跛而詩才清妙居南門外甚遠余作詩

曾輒肩輿迎之炙硯云凍台端溪冷倩烘炙來欣趁暖
爐紅烟雲氣吐陽春外鐵石心回方寸中冰釋恰如蘇
地脉筆耕才得展田功更夸文陣通兵法卽墨城堅仗
火攻糊窗云素楮晶瑩賽越綾書窗面面齋煥疑不教
故紙遮雙眼自有清光透一眉弄影待看梅襯月敲詩
好映雪挑燈白生虛室神先爽編展南華几試憑阿筆
云中書也感吹噓力崛起全消聽指揮

林竹溪

曉

柳絮云一春從未見渠開只見紛紛點絮苦

忙殺嬌癡小兒女聞庭捧手待飛來懷寵勞崇煦云笑
指半鈎飛破鏡戲拋雙劍叠連環好夢易離歡喜地春

晴難到兩三天俱眼前語而拈出便新

壬子冬過淮嚴司馬歷亭守田席間誦孫相圖士領

兵赴臺灣云自笑陳琳檄未工也曾磨盾事從戎夢驚

猛拱樽頭自渴飲官屯戰血紅元請一丸封已足頗遺

三矢盼猶雄感恩何處酬豪末願得浮江比阿童南

征云樂城襟帶接重洋上下思文景物荒蕪霧蛟離丁

埒日丁男鴉嘴慣耕霜人雲坂洞盤千折夾道翁茶網

四張土人呼官為翁茶最是馬前煩耐勞板榔滿櫓宿

甕漿裘帶居然遍百蠻洱河恩許唱力環文淵蹟已埋

銅柱定遠心原戀玉關二月花濃黃木渡三年香染紫

宸班祇因妖鳥巢猶在夢縹羅平未肯還

汪汝弼

夢岩

送春云子規啼急客情牽婪尾花中罷綺

筵飛到楊花春似夢立殘斜日草如烟消愁心緒憑杯
酒看好韶光待隔年我亦欲歸歸未得數聲長笛暮江
天又夕陽在樹蟬聲遠涼月墜簾花影生皆妙句其見
贈詩已入同人集

余遊天台離家半載歸後見凡上有書一封署名杜清
海不知何許人也其略云惟才人能慕才人而或關山
間隔貧無以聚糧駒隙流光命有如朝露至于題碑揮
涕抱書嗚咽詞客有靈實增遺憾竊每念及耿耿終宵

海于海內才人留意多矣惟公則才大如天惟僕則情
深如海自聞名以來不知何以低徊思慕朝夕不置豈
三生之說原有可徵而一代之才自應作合耶僕常有
句云除狂幾欲死不殺定相憐倘或相見有阻而小杜
清魂一縷蕩天入地有不與劫灰俱滅者所憑青眼鑒
此丹誠余因其詩有奇氣姑錄之待訪其人

余作令六年曾作俗吏篇數首存集中今讀錢竹初明
府吏不可爲六章覺從前吏治尙不至此特錄之以俟
采風者其詞曰雞初鳴偵大府鼓聲隆隆衙尾疾進如
羣鼠坐左箱日亭午飢不得餐輪轉肚口燥唇乾喋無

語須臾手版如葉飛曰公不違諾且來如是者再四乃
得側身入謁升其階無恒賜雨乎民不疾苦乎口之所
諮非所圖以色示退僂而趨歸告其賓朋今日上官遇
我殊調若者縣緊望若者賦上中肥瘠揣而知囊藏藏
其胸問東何所有一絲一粟民膏脂交親緼袞來自者
顏忸怩所愛權錙銖所畏揮沙泥山中麋鹿川中魚竟
陵四盡古有徒取彼以與此海波之瀾乃自濡令公喜
令公怒未提有神作人語饒官如大魚吏小魚完糧之
民其沮洳官如虎吏如猫具體而微舐人膏二月絲八
月穀婦出門雞登屋五刑之屬郵麗事役情追呼罪其

罪心所不怒強威之投餓鏗然厭且僂坐堂皇鞭其尻
役以皮肉更綫刀彼縱不苦我則勞暑上上考何足高
催科強者盜儒者賊明者劫暗者竊盜不易捕賊易得豺
狼伏莽鼠跳壁此輩民之蠹五毒宜懲凶及觀號呼慘
肢體與我同所起由飢寒刑之不可止單辭鞠徒煩得
清無足喜穿窬內荏而色厲取非其有賢充類迺知天
下之賊難盡求竊鈎者誅竊國侯輔晨起罷盥漱僅來
提官書官書曰幾何堆案二尺餘刊章匡以花急通插
以羽歲月加封檢字句乏黜黜拔之兩眸眊朱墨手倦
舉算事耶算丁耶甲乙丙者著令耶決事之比紛如麻

需頭辭卑累而上得一大諾自天降宜底駢紙其狀符
火速筆作櫝尾加恟喝脉已熟大胥之叱守令如叱僕
判廣樂莫樂兮見故人苦莫苦兮對惡賓胸隔千里萬里
貌強親唯唯諾諾不敢噴銜杯引手視蔭不走使肴核
下咽不得腐燒腦填腸泄且嘔何如還鄉獨處扇門庭
所不願見者叩不謦謦

乾隆己丑今亟相劉崇如先生出守江寧風聲甚峻人
望而畏之相傳有見逐之信隣里都來送行余故有世
誼聞此言偏不走謁相安逾年公托廣文劉某要余代
撰江南恩科謝表備申宛款方知前說都無風影也

旋遷湖南觀察余送行有一聯云月無芒角星先避樹
有包容鳥亦知不存稿久已忘矣今年公充會試總裁
猶向內監試王荊亭誦此二句王寄信來云故感而志
之

新安王大守顧亭先生看隨園詩話有得頃改從前之
作養生漚觀魚詩云客亦知魚樂相將坐小舟水深清
見底沙淨白疑浮得食依行棹成羣戲涉流夕陽橫斷
岸紅蓼幾枝秋恰有唐人風味

人問詩要耐想如何而耐人想余應之曰八尺匡床方
錦褥已涼天氣未寒時狎客淪亡麗華死他年江令獨

來時燭花漸暗人初睡金鴨無烟恰有香夢裏不知涼
是雨醒來微濕在荷花僧館月明花一樹酒闌人散雨
千絲五言如夜涼知有雨菴靜若無僧問寒僧接杖辦
語犬銜衣皆耐想也

唐薛能笑杜少陵不敢作荔支詩香山有之而不佳自
作一首夸云不愧不負而不知庸淺已甚可笑也能詩
最佳者咏蜀柳云高出軍臺遠映橋賊兵曾斫火曾燒
風流性在終難改依舊春來萬萬條

余九歲時偕人遊杭州吳山學作五律得句云眼前三
兩級足下萬千家至今重遊此山巒童語終是真語又

言言補遺
偶成云月因司夜終嫌冷山到成名畢竟高亦似有先知之意

詩如射也一題到手如射之有鵠能者一箭中不能者千百箭不能中能之精者正中其心次者中其心之半再其次者與鵠相離不遠其下焉者則旁穿襍出而無可捉摸焉其中不中不離天分學力四字孟子曰其至爾力其中非爾力至是學力中是天分

康節先生有三不出之戒謂風不出雨不出大寒暑不出也余七十後惟暑不出過中秋裁出此定例也今年八月八日太守松雲李公新修莫愁湖成招余往飲且

云能爲莫愁破例否余答云老僧入定聞釵釧聲便要
破戒况莫愁乎卽往赴之適王顧亭太守見訪不值追
至湖上口號以贈云似鏡湖光一葉橫白頭遙認是先
生廬家尚具神通力竟把閒雲引出城

新安胡葆亨有句曰千里雄心空似驥百年衰族可無
鳩余愛其典雅後其子雪蕉比部聞鶯云細雨乍移江
上舫好春又放故園花方知胡氏詩學傳家淵源有自
雪蕉有弟岳見贈云隨口篇章皆絕調及門弟子總傳
入郭頻伽秀才見贈云生不佞人何況佛事惟欠死恐
成仙呂仲篤讀隨園詩話贈云大海自能含萬派名山

真不負千秋范，瘞生讀隨園集贈云：有筆有書有音節。
一朝兼者一先生。

余不信風水之說，人言黃巢李闢俱因毀墓而敗，非風水之驗否？余道此等逆賊，雖不毀其墳，亦必敗也。因口號一詩以曉世人云：寄語形家莫浪驕，葬經一部可全燒。汾陽祖墓朝恩掘，依舊榮華歷四朝。

余訪京中詩人于洪稚存，洪首薦四川張舡山太史爲遂寧相國之後，寄二生歌見示，余已愛而錄之矣。追憶乾隆丙辰薦鴻博入都，在趙橫山閣學處見美少年張君名顧鑑者，彼此訂杵臼之交，疑與舡山有瓜葛，寄信

問之不料卽其尊人也垂六十年忽通芳訊知故人自
至太守尚無恙且有子不凡爲之狂喜蒙以詩稿見寄
名曰推袁集尤足感也聞亦玉樹臨風兼仲容之姣有
秀水金筠泉

孝繼

無錫馬雲題

燦

俱願與來生作妾舡

山調之曰飛來綺語太纏綿不獨嫦娥愛少年人盡願
爲夫子妾天教多結再生緣累他名士皆求死引我癡
情欲放顛爲告山妻須料理典衣早蓄買花錢名疏爭
現女卽身一笑殘冬四座春擊壁此時無妬婦傾城他
日盡詩人祗愁隔世紅裘小未免先生白髮新宋生年
來傷積毀登壇何事苦闕臣余聞而神王亦戲調之曰

言言補遺
夫妻喻友從蘇李賢者憐才每過情但學房星兼二體
心期何必待來生

王濯亭

廷取

別駕顧亭太守之弟也有瓶花一首云

枝濃艷胆瓶中習習春生几席風莫怪無根易凋謝人
情只愛眼前紅余道此詩與翁承贊咏僧寺牡丹相同
其詞云爛漫香風引貴遊高僧閒步亦遲留可憐殿角
長松色不得王孫一舉頭均有寄托可喜別駕又有文
殊臺詩云支提臺上日初曛翠影嵐光看不分片石尚
堪容獨坐坐寒三十六峯雲東溪山莊有句云剩有好
山供望眼自來勝事屬閒身俱可愛也

法時帆學士造詩龕題云情有不容已詔有不自知天
籟與人籟感召而成詩又曰見佛佛在心說詩詩在口
何如兩相忘不置可與否余讀之以爲深得詩家上乘
之首旋讀其淨業湖待月云緩步出柴門天光隔橋翁
溪雲沒酒樓林露滴茶籠秋水忽無烟紅蓼一枝動又
掘衣踏蘚花滿頭壓星斗溪行忽有阻偃蹇來醉叟攘
臂欲扶持枕湖一偃柳此真天籟也又讀雅存詩奉東
云盜賊掠人財尚且有刑辟何況爲通儒顏頤懷載籍
兩大景常新四時境屢易膠柱與刻舟一生勤無益此
笑人知人籟而不知天籟者先生于詩教功真大矣咏

荷云出水香自存臨風影弗亂可以想其身分又目野
雲荒店誰沽酒疎雨小樓人賣花可以想其胸襟

余與和希齋大司空全無介紹而蒙其矜寵特隆在軍
中照福敬齋孫補山兩相國惠璠圃制府各有寄懷之
作已刻倉山集中茲又從黃小松司馬處得其西招春
咏云莫訝春來後寒容轉似添小窗欣日色大漠渺人
烟風怒沙能語山危雪弄權花稀名不識何處聽啼鵲
燕中入春中秋德慶道中云山峻肩輿緩征人夜未休
風雪轉盛久忘家萬里驚見月中秋去歲姜肱被今宵王粲樓喜
成充國計含笑解吳鉤春夜云銀缸閃閃漏迢迢風送

邊聲助寂寥殘月印窗天似曉寒鷄叫月夢偏遙頻年
客况常春好一味鄉心易鬢彫莫以沐猴譏項氏夜行
衣錦笑班超三詩雖吉光片羽而思超筆健音節清蒼
方知臯夔周召本是詩人非真有才者不能憐才也寄
隨園詩自註云當在弟子之列與小松札中又有久思
立雪之語屢仰翔得此知己真可死而無憾但未知八
十衰年今生尚能一見否思之黯然

余春間返故鄉掃墓洞庭朱欄東戒人山見訪不值題
壁云五十年前父母官于今八十享清閒斯民不放袁
公去留得青天在此間四壁琳瑯少女辭山陰應接頗

如之那堪更讀董右畫絕筆梅花絕筆詩

董二體素未盡而畫梅贈

先生題詩未竟而卒先生加跋懸諸壁間

追余至吳門于山塘相見又見贈

云叨作蒹葭倚名園紀勝游笙歌今北海畫古營邱

健合我紅袖間宜伴白鷗公應是萱草相對日忘憂

咏物詩難在不脫不粘自然奇雅礪東咏玉簪花去瑤

池昨夜開芳宴月姊天孫喜相見醉裏遺簪直等閒香

風吹落墮人間醒來笑向阿母索起跨青天白羽鶴移

時變到野人家乃知狡獪幻作花烟中便欲搔頭去翠

袖紛披寶髻斜

湘潭張紫峴老詩人也于礪東爲前輩仿其體題渠所

畫墨闌云公孫大娘舞劍器顛旭得之爲草書珊瑚東兼
二妙寫作幽蘭畫縱橫豈有形與模天工人巧相與俱
湘妃愁春隔烟水古雲念甫一十里霓裳王珮慵斜倚
來降紙窗素姿裏對之微笑忽通靈澹無言說天純青
心芭意夢謝俗鏗九腕開盡畦與町我欲置之九疑峯
巔四千丈下可采兮但遙望

咏桃源詩古來最多意義俱被說過作者往往有登床
架屋之病最難出色朱欄東來訪黃姑洲

其仁

過桃源

一絕云桃源盤曲小山河一洞深深幾處難行過溪橋
雲密處但聞花外有鶯歌聲而有隱居真勝所開作

詩不貴用力而貴有神韻卽此是也

隨園詩話補遺卷七

倉山居士著

余九日登紫蔭山見人題句云巾子峯前木葉稀登高
望遠思依依天寒海氣連雲白風緊城烏作陣飛紅豆
裁書難寄遠黃花插帽事多違年來浪迹東西道慚愧
天涯老布衣末題陳濂二字訪之乃余甥婿陳文水孝
廉之三弟也又遊石門樓云山風吹松雲岩石明齒齒
猿啼兩三聲行人盡東視娟娟山上月照見山下寺洞
門猶未關待我遊屐至他若秋聲江甸雨寒色海門烟
月冷初浮水星稀欲近人皆清絕處

峽江飛來峯寺僧澄波告何數峯云丙寅有閨秀戴蓮
玉偕郎君某詣潯州府署省父坐飛來亭題詩詩成泣
下有句云白猿自悟當年事見說持環返上宮人多不
解比至潯州而亡疑其前身或猿女耶

二童子放風箏一童得風大喜一童調之曰勸君莫訝
東風好吹上還能吹下來我深喜之蓋卽孟子所謂趙
孟之所貴趙孟能賤之之意

余至吳門四方之士送詩求批者每逢佳句必向人稱
說非要譽於後進也掌科許穆堂嫌太邱道廣見贈一
律云先生天下望眉宇照人清老至通姻婭兒時識姓

名風流蘇玉局書卷鄭康成可惜憐才過掄揚後生
余道史稱龐士元稱許人才往往有過其分老人竟犯
士元之病行將改之

遊南明寺見歸愚先生有對聯云瓶添澗水盛將月
掛松梢惹得雲未知是成語或先生所撰耶是夕風雨
暴作樓柱盡搖余有句云樓搖松樹頂人臥海潮中

京口尼能詩王聖靈女子贈云仙子傳來古雪篇步虛
聲裏絳雲仙遙知靜對梅花月鶴聽禪經立晚烟

直隸遷安縣定例入學八名而應試者不過六七人知
縣胡公作宰忽有馬夫着紅布履來告假問何事曰明

日要赴縣考胡公大笑口號以贈云紅鞋着那煤磨硯
馬糞熏衣筆瓶鞭

金賢村太守

黃

性倜儻通音律有四姬人俱善歌常偕

至隨園度曲吹簫太守親爲按板殆古所云風流人豪
者耶籍係宛平臨入都時年逾六十留別云何因執手
涕淒然只爲分攜各暮年嘆我已辭歡喜地多君還上
孝廉船關山滿目新行李兒女隨身舊管絃此後隨園
花滿日夢魂還到小倉巔

程魚門人翰林後寄詩云四十年才爲後輩交遊若此
古來稀頭銜人手誠清絕書局羈身未易歸老景真如

冬景淡梅花又共雪花飛輪他居士山牕鶴鎮日從容
立釣磯鳴呼魚門家本富商交結文人家資蕩盡直至
晚年成進士作部郎四庫館議敘才得翰林分校春闈
可謂有志者事竟成然而遽卒於秋帆中丞署中可悲
也

懷嵐諸生勞竹如詩人也少年喪偶里中有陳氏女美
亦能詩遣媒說之女類見竹如欣然願嫁兩人已目成
矣爲里中富人強聘去女臨行寄勞生云聞說乘鸞許
上天幾番臨鏡自疑仙不知淪謫緣何事便隔蓬山路
幾千夢見文簫私語時想花心事要花知分明匣底雙

珠石不忍還君孤淚垂

余幼時同赴童子試者有申君南屏

發祥確奇偶偶有

溫庭筠之風代人赴考致遭斥革而終成進士外出爲
令見寄云隨園居士今方朔遊戲人間作歲星落筆便
同天馬下無人不踞竈觚聽署施鴻爪覩爲政妙用詎
嘲當說經咎鳳鞭鸞三十載又叨剪拂到頽齡寄
時官已報罷掌教清江余未及答而君已卒

壬子春與趙偉堂廣文遊焦山遇詩僧巨超茶話良久
采其詩入詩話今春慶大司馬奉 旨到江南勾當公
事渡江之便拉同遊焦山別後巨超寄詩云曾向金鰲

汗漫遊西風久已別荊州忽陪 大使臨香界却怪神
仙也白頭海內山川蒙一盼人間聲價重千秋須知未
滿山靈願不把琴尊作小留

山陰胡稚威天游曠代奇才丙辰同舉鴻博終身紆鬱
而亡余初抄其駢體文三十篇爲楊蓉裳纂取去乃於
別處搜得烈女李三行一篇初嫌太長難入詩話然一
序一詩俱古妙不忍聽其煬沒今刻續集不妨載之其
序曰女李三者河南鹿邑縣人父某業田常以隱事與
邑大豪相恨疾豪陰謀殺之使客陽與親召之酒而藥
以飲遂發病心知豪所爲將死女從母泣於前某斷齒

切叱曰何泣若非我子也且吾爲人殺幸有兒俟壯或
行能復仇若測子焚稚無望也恨終不吐矣女時年十
餘聞父言晝夕憤傷時時蓄報豪志更數歲益長日誓
鬼神並祝某墓願魂魄相助挾利刃候道上期乘便利
豪豪出入乘馬從僮奴彪彪然勢不得逞去丐人爲詞
屢懇有司大吏咸徧列於官者三年矣一人無肯白其
事者女甚恨曰此曹雖官人實盜隸耳徒知探金錢取
醉飽何能爲直冤痛者乎遂辭其母當奔往京師鹿邑
到京師二千里女孤弱無相攜挈暮託逆旅主人或怪
其獨來疑有他固不內往往伏草間既至將擊登聞鼓

自訟數爲吏所關以陳於刑部都察院交格之一如有
司大吏在河南者久之會有新任令於鹿邑者頗強直
任事女聞乃走還令方升車出遮前大呼且涕且陳伍
伯箠驅不能動令以某死久歲月且無驗意其未信更
詰將死時語及奔京師狀乃受牒縛鞠客與豪皆自窮
服令已論正豪罪未卽決豪死牢戶中豪家滋憎女甚
謗爲嘗受汚有邑公子獨心知女賢請聘之其母與長
老媼媼皆勸之行矢不許及母卒殮埋悉召宗族親戚
里鄰告之曰吾痛父見害楚毒幾十年幸得雪仇而名
爲人垢忍不早就死者傷無兄弟終奉老母今吾事大

已其將有所自明室而掩之遂自絞也於是豪子暮拍
之笑視其面個猶生然將舉刀斷之有血激諸口類噴
怒者豪子駭仆不能動左右亟扶負歸亦竟得疾以死
女死康熙中至今且五十載歲戊午子居長安始聞感
當世無能文章揚洗昭暴之使家說戶唱相與勉勸乃
撰述其事歌而係之曰

大海何漫漫千年不能移太山自言高精衛啣石飛朝
見精衛飛暮見精衛飛吐血填作壠一旦成路蹊豈惟
成路蹊崔嵬復崔嵬女面潔如玉女身濯如脂十四頗
有餘十五十六時婀娜環春風明月初徘徊門中姊與

姑鄰舍雜姥嫠人笑女無聲人懽女長啼昔昔重昔昔
破痛不得治有似食大鯁禍喉連脅臍阿母喚不應步
出中間閨女身亦非狂女心亦非癡向母問阿爺阿爺
誰所屍昨者門前望裂眼寧忍窺爺仇意妍妍走馬東
西街我無白揚刃斷作雙虹霓磨我削葵刀三寸久在
懷一心願與仇血肉相壅勸仇人何陸梁挾隊健如犛
前者爲饑狼後者爲怒豺小雀抵黃鵠徒恐哺作糜大
聲呼縣官縣官正龔蚩宛轉太守府再三中丞司堂皇
信威嚴隸卒森柴崖安知坐中間一一鞭與泥何由腐
地肯鬼笑回牙歛孤小不識事聞人說京師京師多貴

官列坐省輿臺頭上鐵柱冠獬廌當胸栖獬廌角嶽嶽
多望能矜哀局我頭上髮縫我當射衣手中何所將血
帛斑斕絲帛上何所書繁霜慘濛埋細軀誠艱難要當
自防支女弱母所憐請母毋攀持今便辭母去出門去
如遺是月仲冬節殺氣爭驕排層冰塞黃河急霰穿矛
雖大風歛天翻行人色成灰夜黑不見掌深林抱枯枝
三更叫鵲鵲四更嗥狐狸五更道上行躑躅增羸飢舉
頭望長安盤盤鳳凰陣下着十二門通洞縱橫開侍我
帛上書鸞我囊中袪跪伏御史府廷尉三重墀尙書更
鼓戢戢我唱騶歸頭上鐵柱冠獬廌當胸栖獬廌卽無

角豈與羣羊齊李女倚柱嘯白日凋精輝結怨彌中宵
中宵盛辛悲有地何博博有天何垂垂高城不爲崩高
陵不爲陲爲遣明府來明府來何遲長跪向明府淚落
江東馳女今千里還女憂終身罹女誠不敢給願官無
見疑父寃信沉沉沉沉痛無期一日但能爾井底生朝
曦死父地下笑生仇市中判顧此弱賤軀甘從釜羹炊
語終難成聲聲如繫庖糜明府大嗟歎嗟嘆仍歔歔翻
翻洞庭波洞庭非淵洞嶄嶄卽嵒坂九折無險巇我今
爲汝尸汝去行得知爺仇意妍妍舉家忽驚摧勢似宿
疹發驟劇無由醫同時惡少年驅至如連雞銀鐐押領

頭畢命填牢匪有馬空馬鞍永別街西旭卯頭謝明府
搗骨難相始昔爲舐乳兒今爲箭還教遙遙望我里我
屋荒蕪萊蕪母倚門啼啼於杞梁妻女去母啖栢啖栢
今成節雖則今成節母悲轉難裁女顏昔如玉女髮何
祁祁女口含朱丹女手垂春黃哭泣觀塵沙面目餘癢
糾宛宛閨中存鰥瘠疑病羅姑姊看女來簪笄不及施
鄰姥看女來左右相呼攜各各自流涕一尺紛漣而鄰
姥少別去媒媼從容來三請得見女殷勤致言辭公子
縣南居端正無匹儕金銀列兩箱纖紉不勝披身當作
官人華榮灼房幃頗欲得賢女賢女勝姜姬回面答媒

媼身實寒且微無弟無長兄老母心假依所願事力作
澁指縫裙襖安得隨他人乖違母恩慈母年風中燈女
命霜中葵須臾母大病死父相尋追棺槨安當中起墳
遂成堆一一營事託姑姊可前來爲我喚長老長老升
堂階爲我召鄉鄰鄉鄰麋如圍十歲隨爺娘幼小惟癡
孩十五啣沉寃灌鼻承醇醢二十行報仇報仇苦且危
三年走大梁趙北燕南陞女行本無伴女止亦有規皎
皎月光明不墮濁水湄斑斑錦翼兒耿死安能翳自此
旋入房重闔雙雙扉朱繩八九尺挂向梁間頰鮮鮮桂
華樹華好葉何奇歲時揚芳馨生在空山隈烈火燒崑

岡三日夜未衰大石屋言言小石當連簾蕭蕭泣蕙草
萬族合一煤燒出白玉姿皎雪光皚皚玉以爲女墳將
桂墳上栽夜有大星辰其光何離離錯落桂樹間千年
照容徽

句曲女史孔靜亭退菴太僕之幼女王孔翔公子之室
也敷腴窈窕有大家風辛亥春隨其姑潘夫人來園看
花家人交口譽之性尤愛靜工詩記其寄外云一別看
看數月期孤燈獨坐淚如絲多情最是天涯月兩地離
愁總得知欲爲相思寄錦箋徘徊無語倚窗前勸君莫
失芙蓉約辜負香衾獨自眠皆性靈獨出今年六月忽

咏殘荷云丰姿昨夜尙堪誇開落無端恨轉加早識今
番摧太急不如前日不開花孔翔訝爲不祥七月間竟
以產難亡古人所云詩識其信然耶孔翔哭以詩云怕
見秋塵點鏡臺深闌依舊綺窗開有時忘却人長往疑
是歸寧尙未回

婺源施蘭臯少有清才惜弱冠卽棄儒就賈然性頗愛
詩因王孔翔秀才以詩來見記其新涼云纔聽梧桐一
葉聲瀟瀟秋氣滿江城羅衣膏體初驚薄羽扇搖時便
覺輕遮榻清風侵簾冷當堦皓月照窗明詩吟長夜誰
爲伴啾唧寒蛩四壁鳴冬夜晚步句云柳疎宜月上水

淺覺橋高又秋懷云高梧帶雨綠侵窗七字亦佳

蔣子野受業師邵晴巖曉題美人春睡圖云幾分春色

上花枝雲髻慵梳睡起遲鸚鵡簾前空學語夢中情事

自家知閨情詩古人最多易於重複余愛其結句七字
蘊藉得古人所未有又樓中佳句云但得讀書原是福
也能藏酒不爲貧亦妙

甲寅花朝前一日余赴友人三游天台之約買棹渡江
在舟中接到福敬齋孫補山兩公相和希齋大司空惠
瑤圃中丞見懷詩扎情文雙至竊念西貴人中惟孫公
同鄉惠公會通芳訊若福和二公則雲泥迥隔矣而何

以略分憐才一至于此因將來扎來詩潢治一冊題曰
四賢合璧以爲光耀裝成後又接貝勒瑤華主人寄懷
二律俱爲讀小倉山房詩集愛而矜寵之也因枚有荅
和之作故將原唱俱載入全集中茲但錄奇麗川中丞
題冊後云飛騎急于風詩筒逐驛筒遙從三藏外傳入
萬花中落筆成仙句開函見上公從知諸大將同日憶
山翁阿雨窗轉運題云白髮隨園老詩名鮑謝如寸心
千古事萬里四面書文采層霄上交親舊雨餘虹蜺歸
權穩珍重此璠璣太湖司馬德卧雲福題云天下龍門
啟振衣入恐遲上公爭仰鏡萬里各裁詩翰墨連環重

聲名絕域知卽看留合璧文采盛於期

近日滿洲風雅遠勝漢人雖司軍旅無不能詩福建將軍魁叙齋倫以指畫墨菊題云淡中滋味意偏長每愛秋英引巨觴興到指頭塗抹際墨香還道是花香

揚州張椿齡先生字鏡莊立堂孝廉之父也咏桐云春去花始開秋來葉早落何日作瑤琴自訴妾命薄此二十字覺咏桐者古未有也

上海女士朱文毓于歸王氏撫孤甥云母死誰憐汝相攜更痛心呱呱啼不止猶是姊聲音此卽元遺山阿姨懷袖阿娘香之意吳蘭雪到家祝母壽云母曰兒歸好

連朝鵲噪頻還將生日酒醉收到家人周琬到家見母
云要見慈親急步行隔牆先已識兒聲升堂姊妹一齊
問幾日扁舟出石城吳夫人調蘭雪云滿身蝴蝶粉知
是看花回四詩皆天籟也

江右多宗山谷而揚州轉運曾賓谷先生獨喜唐音素
未識面蒙以詩就正曉行云白雲溺在地遠望一川水
行入水雲中霏霏收不起秋夜宿萬壽寺云旛動微風
來虛堂一鐘悄階前瘦蛟影斜月在松杪長生殿云夕
殿螢飛星漢流芙蓉香冷鴛鴦愁嬌姿侍夜玉階立月
下相看淚痕濕世緣安得如牛女萬古今宵會河渚生

言言
生世世此肩人牛女在天間此語可憐私語人不知臨
叩道士爲傳之結句尤蘊藉

謝蘊山觀察公子學壩年才十二送灶云忽聞爆竹亂
書聲香黍盛盤酒正盈莫向玉皇言善惡勸君多食膠
牙餠

荀子云善爲易者不占善爲詩者不說唐賢相楊綰能
詩終身不以示人卽此意也杭州太守李曉園先生政
聲卓越而于文翰之事謙讓不遑偶見方藕堂明府處
對聯瘦挺可愛而不署姓名其友姚秋槎誦其咏裙帶
魚云瀟湘六幅已成塵尺練誰教棄水濱試較瘦肥量

帶孔蛟宮應有細腰人

李滄雲給諫

梁

與余爲三十年前之交今年信來叙舊

論詩情文雙至見贈七古一章已采入同人集矣茲錄

其曉發信陽云朝曦隱隱逗晴霞秋色微茫路正賒渡

口馬如鳬浴起入山人共鳥行斜療饑但欲新書類

野子

前輩喜食

解渴何須浪削瓜最喜郵程纖翳淨風光佳

處便停車岳陽樓云高樓峭起枕寒流俯瞰長天萬頃

秋雲氣遠連山影動浪花時蹴日光浮毫芒不辨千峰

樹芥末難分一葉舟領取晴和景正好重陽風雨雨勾

留

木元虛賦海後咏海詩佳者甚少近日奇麗川中委云
一片魚龍氣茫茫滙萬川誰能量尺寸天獨與周旋包
括如斯耳虛空本自然舉頭人共見何必問張騫杭州
轉運阿雨窗林保云絕頂凌滄海雙眸萬里馳兩潮分
晝夜一氣混華夷脚底紅梁直樽前雨勢奇恬波通貢
道巨艦集風旗二公各有兩首而余以爲孟浩然杜少
陵咏洞庭俱只一首故割愛而刪之

余過嘉興邢魯堂與太守遺詩箋一束讀之知其學杜
最深灌花云殘月睡鴉起鳴蛩猶聒耳披衣到欄前幽
花向人喜經旬雨未沛土脉乾無似呼童轉轆轤取此

清冷水繞根微微灌使表徐及裏急遽少成功俟沃方
容止澆花使花知培植非蓋美雪如飲酒人中自具微
理初飲漸醺然不使傷性始鯨吸與牛飲豈是天全予
臨川道中云十里平隄野色攢柳條殘露尚團團忽看
白鳥雙飛起知有漁舟下淺灘醺泉客忘云短後衣衫
劍佩橫三千里外錦官城多情今夜闌山月纔照征人
第一程登庾樓云廬疆曾飲當年馬繡壤間耕此日牛
山陰邵壽民蘇州太守厚菴先生之孫也厚菴
名大業與余同官而壽民從未謀面年才二十四已舉
孝廉讀余詩話見寄云奇才不料人還在妙論都如我

欲言賴有奚囊收拾盡世間多少未招魂

松江女史莊燕膠織雲之戚也季春歸家云孤帆乍卸
夕陽西青粉牆邊柳綫低正是內街新雨過鬱金裙上
浣春泥咏牡丹云幾番厄雨殿春開艷影招搖洛浦廻
昨夜月明人靜候舞風疑有珮聲來

文以情生未有無情而有文者韻因詩押未有無詩而
先有韻者余雅不喜人以一題排揆上下平作三十首
敷衍湊拍滿紙浮詞古名家斷無此種至於上用秋字
下用花字如秋月秋雲桃花桂花之類連縣數十首是
作類書羣芳譜非咏詩也

余少時自負能古文而苦無題目娶婦室多不愜意故
集中有句云論文頗似昇平將娶妾常如下第人不料
晚年四方索文者如麻不勝其苦故又有句云徵銘索
序兼題跋忙殺人而冷應酬

三十年前徐椒林參府在廬州與余與蔣心餘二人最
交好常以船載蕙蘭干本爲隨園遍栽山中花開如雪
爲人權奇偶儻余敘其行事作相逢行贈之後陞任貴
州竟成永訣今春余過嘉興其子

雙桂

秋山宰秀水述

及交情彼此悲喜索乃翁詩稿得其自晉江寄兒云萬
里當關日葭灰報小陽三冬稱足用一線莫虛長瘡癩

身偏健提槍氣已藏上林好春色努力看花香題淮陰
侯廟壁云一飯尚思酬母德三齊寧忍背君恩秋山有
父風題泗亭驛云天一功成一剗中故鄉雖大識新豐
英雄未有無情者老淚尊前唱大風

近人薛西原咏月云何處焚香下階拜有人私語並肩
行雖走西崑一路而幽雋獨絕是卽月出皎兮姣人了
令之餘音

常熟縣試詩題是野舍時雨潤某童有一聯云青沾沾
酒肆紅滴賣花籃吳竹橋太史拔爲第二長洲縣試童
子詩題是綠滿窗前草不除陳竹一基有一聯云秀色

三分雨春痕一縷煙祝芷塘給諫見之拔爲第七二人
並非看卷之人而皆與縣官交好故能愛才如此否則
此詩亦被輕輕點過矣竹士卽金纖纖之夫也結稿五
年互相唱和余到杭州一月歸纖纖竟死先是纖纖有
書上我云此日碧雲秋雁奉一函於明月樓中他時絳
帳春風當雙拜於海棠花下余到蘇果受其一拜遂成
永訣故弔以一聯云雙拜花前已償負笑從遊願五年
燈下未了拙簪勸學心竹士在吳江纖纖寄詩云紙樣
羅衣秋樣瘦那能禁得水天涼其伉儷之篤可想
余所到必有日記因師丹之老而善忘也其耳受佳句

亦隨記帶歸翰林前輩沈蒿師先生榮仁咏墨床云誰
云貪墨無休日到底磨人有倦時咏鷺鷥云豈有諸君
推甲乙可憐公子最風標周去華云愁生肺腑登臨少
貧入衣冠慶弔疎慶似村云竹因風靜平安久花爲春
寒富貴遲王雲上云舊紗簾額美先入新粉牆頭月更
明劉騷秀才聞高麗國人來索余詩并及霞裳詩故贈
劉詩云驥尾得名蹄較易人心所好本來公龔雲洲秀
才領落卷云囊底尙存無效藥掌中慣畫不靈符張瑤
英女子謝余索詩稿云露沾桃柳千株樹次第春風到
女蘿畢慧珠女子感事云一樣春風分冷暖桃花含笑

柳含愁

女伶虞四官拜姚秋樣居士爲師觀其演跌霸一齣贈
云壯士至今休說項美人千古最憐虞後度爲女道士
號空翠菴主人姚又贈一探春令云幾番花信暗相催
早自三春暮杜鵑啼罷東風嬾看滿徑堆紅雨年年此
際歸何處驚地拋人去鳥斜陽烟外一寸游絲怎繫得
韶光住

劉霞裳夢巾得一聯云星搖似醉愁他墮手舉難扶笑
我低醒後續二句云安得仙雲主袖底御風飛到斗牛
西我以爲醒語終不如夢語

雪貴總督楊應琚字秋水有賢名入相後以緬甸饋事
致晚節不終吾嘗以南朝吳明徹相比殊不愧也其孫
女瓊華嫁江寧方伯永公泰之子明新明受業隨園而
女之父重英號山齋者與余有舊山齋參贊軍務兼侍
父疾被緬匪虜去其子鶴圃監禁二十餘年余過泰州
瓊華以寄弟詩見示云石泰關天意乘除運莫爭弟兄
愁失散身世感零丁往者家逢難潢池盜弄兵韜鈴煩
上相絕域播威名 龍錫從丹禁旌旗事遠征七擒功
未就五丈病先平 鳳詔吳江下 先大人秉 金鞍洱海
行監軍隨虎帳付藥聽雞聲畫角悲風起明星大野傾

雄師誰控馭小醜敢縱橫孤壘知難守鸞弓竟不鳴
途傷李廣嘯雪感蘇卿馬革餘生在魚書萬里驚天
恩猶肆赦疑獄幸從輕季弟偏膺難難獨圖坐獄多年艱危志不
更珠憐沉漢水劍悲落豐城雁影繫離思鵲原憶舊情
佇看遶雨露頭角再崢嶸

余聞人佳句卽錄入詩話並不知是誰何之作甲寅三
月余遊華亭張夢喈先生飲余古藤花下其郎君輿載
耳語曰家姊願見先生余爲愕然已而褰簾出拜執弟
子之禮方知詩話補遺第一卷中曾載其所作秋信等
詩故也貌亦莊姝其母夫人汪佛珍詩久採入詩話第

四卷中始信風雅淵源其來有自其姑佛繡嫁姚氏亦
才女也不寐云欹枕閒吟夢境空殘燈閃閃影朦朧梧
桐不管人惆悵翻盡銀塘一夜風他如一徑泥香飛燕
子滿園茶熟亂松聲何須地僻心方靜才覺身閒夢亦
清俱妙

人仗氣運運去則人鬼皆欺之每見草樹亦然其枝葉
暢茂者蛛不敢結網衰弱者則塵絲灰積獨讀皮日休
詩水痕侵病竹蛛網上衰花方知古人作詩無處不搜
到也

顧寧人云古不用銀余頗不以爲然近讀張籍送南遷

客詩云海國戰騎象蠻州市用銀以用銀與騎象對說
可知中國騎馬不騎象用錢不用銀矣

白太傅因李留守相公見過池上泛舟話及翰林舊事
因贈詩云同時大學士五相一漁翁余已未翰林亦有
兩相三尙書爲之慨然

吳蘭雪瞻園坐月云林塘幽絕似山家坐轉闌陰月未
斜仙鶴一隻都睡著冷香吹遍綠梅花徐朗齋宿泰山
云亂石長松路不分數聲鐘磬隔林間山中夜半燒殘
燭自起開窗照白雲二詩真清絕矣

陳少陽與歐陽徹救李綱而死廟在丹陽乾隆庚申廟

爲火所焚獨神像不動袍笏依然余過其地見壁上題
云兩宮消息正茫茫廟筭徒聞龍李綱不信九門司虎
豹獨留三疏動風霜衣冠白晝悲東市松柏青燐照北
邙過客過塋桑梓感里居從古說丹陽又云草野詎一
興復計公卿無奈諫書稀余讀而愛之末書於震宇一
川五字方知卽二十年前負詩來謁自稱不蒙許可卽
要投江死者也專工明七子一體未免鳴鉦搥鼓見賞
者稀然佳處不可泯沒見贈云聲名若不逢元晏詞賦
何由重洛陽圖峯秋望云岸走濤聲吞象嶺樹浮天影
出狼山延慶寺云地迴人州浮水氣樓高木葉下秋聲

頗皆雄健至若九江云商女至今歌白紵征人幾度換
朱顏則稍和緩且降格而爲之其人亡已二十餘年憐
其一生苦志爲理而存之

郭頻伽秀才寄小照求詩憐余衰老代作二首來教余
書之余欣然從命并札謝云使老人握管必不能如此
之佳渠又以此例求姚姬傳先生姚怒其無禮鄭還其
圖移書嗔責余道此事與岳武穆破楊么歸送禮與韓
張二王一喜一嗔人心不同亦正相似劉霞裳曰二先
生皆是也無姚公人不知前輩之尊無隨園人不知前

輩之大

丙辰同 召試者宜州梅兆頤先生館文穆公家年六十許和藹朴誠與余爲忘年交今甲子已過訪其遺稿不可得近才獲其遊敬亭山云春色忽云暮翦然萬木齊命駕越市塵扶杖尋岩棲白雲停陰嶺清流貫長溪碑碣撫殘廢臺榭憑高低好花磴旁出時鳥林間啼古人不可作勝地無荒蹊恐如桃花源再至漁舟迷尹似村公子亡後無子余詩話中有意多存之今又在破簾中檢得其哭松見二自云呻吟不聽有見音說起生前感倍深忍病怕投良藥苦佯歡且慰阿爺心悠悠短夢今朝醒小小孤魂何處尋羣汝劉家邱墓側添衣

調食自能任

劉乃余之乳母

東西未辨合遊嬉天性偏生解孝

思繞膝常將梨棗奉午眠低喚幔簾垂看栽花竹攜鋤

立愛弄圖書學父爲老泪拋殘作達語詩人多半見兒

遲

末句諺隨園

和梅岑憶舊云一聲欸乃盪歸艤別泪交流

灑大江

乙酉北上梅岑送至浦口

共喜人眠茅店榻怕聽雞唱五更

窗攀楊柳難繫征車遠代面全憑尺鯉雙記得分岐春二

月翠濃驛路正幢幢偶逢花市也閒行老去風懷總不

情舊雨關心推大弟青雲得路讓諸兄女爲兒子姬爲

友竹作屏風書作城自咲未能除結習與人爭處是詩

名

四十年前余讀鍾伯敬慰人落第云似子何須論富貴
旁人未免重科名以爲佳絕不料甲寅七月偶翻唐詩
姚合送江陵從事云才子何須藉富貴男兒終竟要科
名鍾先生如此偷詩傷事主矣

青衣鄭德基詩云春風二月氣溫和麥草初長綠滿坡
牧豎也知閒便好橫眠牛背唱山歌又咏簾內美人云
到底春光遮不住還如付外看梅花此二首皆天籟也
余命阿通代爲評點竟忽畧看過終竟詩學不深

學記曰不學博依不能安詩博依註作譬喻解此詩之
所以重比興也韋正已曰歌不曼其聲則少情舞不長

其袖則少態此詩之所以貴情韻也古人東坡山谷俱少情韻今藏園甌北兩才子詩闕險爭新余望而却步惟于情韻二字尚少絃外之音能之者其錢竹初乎惜近日學仙不肯費心矣

余親家蔣梅子三子有河東三鳳之稱其長子莘之詩久入詩話今春再過蘇州其弟蔚蕤又以詩來蔚咏周孝侯射虎歌云將軍射虎如射牛白額橫死南山頭將軍縛賊如縛虎枉說使君兼文武銜命往討齊萬年忠孝之道難兩全草中狐鼠何足盡英雄受制嗟可憐撥兵四絕鼓不止操劍一呼創者起猛虎入檻何能爲五

千健兒同日死吁嗟乎於菟之氣能食牛烈士豈解爲
身謀不然縛虎莫縛賊依舊射獵南山頭苦雨云別館
深嚴作總持焚香掃地坐裁詩朝來嵐氣衝簾入正是
山樓雨過時夔春陰云綠波知其板橋平香霧霏霏濕
落英寒暖難憑三月侯溟濛未定片時晴山齋客過苦
仍合水國潮多草亂生差喜疎疎添逆響纔回細雨和
茶鐺他如田中乍熟狙公芋溪上低閒鹿女花亦工
丙辰冬月余年二十一歲初識吳江李尊溪光通于長
安小市詩話中曾載其見贈五律一首今甲寅秋六十
年矣其子會恩秋試來園讀其詩喜尊溪之有子平韓

斯王云枉爲君王賦式微中原不復望旌旗廣輿披甲
心猶壯魏絳和戎事已非誰使渡江來白馬竟忘行酒
有青衣千秋遺恨無人識回首琴臺一雁飛咏雪云鋪
平萬戶白如海只有炊烟一縷青新竹云秉節初終才
挺幹入林先後漸忘形

君子不以人廢言嚴嵩鈐山堂集頗有可觀如捲幔忽
驚山霧入近村長聽水禽啼沙上柳松烟霽色水邊樓
閣雁歸聲皆可愛也又阮大鍼有句云露涼集蟲語風
善定營情後五字頗耐想

悔剛峯嚴厲孤介而詩却清和嘗見鷺峯寺壁上有贈

竹園隱者云寂寂江村路何煩命駕過羊求忘地速松
竹到門多野外常無酒田間別有歌洗杯深酌處落日
在滄波末書海瑞二字筆力蒼秀

余少時讀會真記嫌元九薄倖題云疑他神女愛行雲
故把鴛鴦抵死分秋雨臨卽頭雪白相如終不棄文君
程魚門恪守程朱之學批云此詩斷不可存余唯唯否
否而終不能割愛後讀唐太常寺參軍秦貫所撰鄭恒
及夫人崔氏合祔墓志方知唐人小說原有有無之間
不必深考余題詩用意深厚故可勿刪

同年許紅橋制一字光庭詩學放翁歿後其子小橋攜

父詩來謁無力付梓摘其柳州舟次云山戰火龍背野
燒水喧銅鼓渡驚瀾虎邱云渡口日斜人散影柳梢風
靜鳥啼烟雁字云殺青須仗摩挲夫翮飛札疑追逐日人
江上云敗蘆藏艇炊烟出古樹翻鴉落葉頻雜咏云牛
後難防燒尾火馬前還怕打頭風蹄輕驕馬嘶風立聲
漉荒雞撲雪啼隨大府勸農云風翻樵徑背垂頭人仰
旌旗盡舉頭又有謝孝子詩孝子曾稽人名振宗以申
父寃故袖鐵椎打破天安門內石獅子投斃狀發黑龍
江充軍而父寃卒白亦異人也詩長不備錄

余集中有佳兒歌爲同年李竹溪棠之子應作也三十

言言刊述
餘年間消息不得今年在杭州遇李壻陳鴻舉爲仙居
令誦其近日句云體因慣病翻忘藥人不工詩亦自窮
嗚呼才則猶是也而近狀可想矣

余在虞山竹橋太史來誦其代松雲太守贈鄒如小詞
云野芳溪水明如鏡忽然照見驚鴻影來也抑何遲今
宵莫反而芳名才兩字墓盡真風致醉眼惺惺還顛疑同

美少年 翻如男妝

人但知詩之新秀者難而不知詩之奇闕者尤難鎮江

張秉鈞 平伯遊老人峯云空洞足談踏崩一成衆響歷

險雖十里炫奇已百賞蘇州楊一鳴 儀吉邇積溪云路

轉孤村明橋橫一溪渡雷雨晴亦驚蛟龍奔猶怒嘉興
戴光曾宿淨慈寺云月色下平地人影上茅屋湖上諸
螺峯環拱如匍匐又常山云纒從山脊牽雲去舟向波
中卷雪來皆奇峭可喜

秀州詩人吳文溥別十五年今秋忽來詩已付梓讀之
轉多窒碍不知從前之明秀信與遇之累人而師友之
功不可少也錄其新句之可愛者如竹裏不知屋水邊
聞有雞問徑花相引開門鳥亂啼風靜溪迎響雲來樹
欲移皆佳又一絕云酒後客來重酌酒飛花留客送殘
春主人醉倒不相勸客轉持杯勸主人

錢通先生公子名校者其初生時適余到故仿蔡中
郎以名與顧雍故事後舉孝廉詩才清妙策馬云策馬
關門外蒼茫未識塗一鞭殘照下回首白雲孤路險愁
冰滑身欲待樹扶自憐儂太瘦脾肉本來無過常州云
節過白露寒猶淺岸近丹陽水漸低

太湖有東西洞庭七十二峯奇秀可愛官其地者事簡

民淳最爲樂土司馬德臥雲先生補招余往遊小住三

日適司李程前川

思樂

執贄門下表姪張碧川

琴

在幕

中出新月梅花兩詩稿見示想見僚屬多才主賓風雅
可謂不負此湖山矣德公咏親月云一綫脂光上畫欄

漫疑素魄本非團微開玉女奩中鏡半吐嫦娥白裏丸
曲曲黛眉如淡掃明明青眼似相看愛他坐到西山晚
忘却深閨翠袖寒又漫收兔魄舍全璧深隱雲鬟只半
粧梅花云瘦態每宜輕霧後殘粧最愛晚香餘程前川
新月云剛同翠黛新描後好比秋波乍轉餘蚌珠吐
仍銜口寶鏡方開未出奩張碧川新月云似竟怕爲天
曉別誰能留到夜深看斗宿自明如昨夕樓臺
依稀無多時別仍相見若太分明豈乍逢梅花
觸撥香盈袖忍掃橫斜影上指俱佳

蔣子野

辛

從余遊洞庭兩山吟興頗豪多紀遊之作其

言言補遺
登莫釐峯云草深蒸霧濕地曠受風多叢樹陰猶轉飛
禽影不過望太湖云山都包水內浪欲拍天浮宿石公
山禪院云百尺丹梯削翠屏下蟠曲磴透瓏玲峯頭礙
足前無路洞腹穿雲上有亭天闊湖光千頃白更深佛
火一燈青我來不敢吟高調多恐蛟龍出水聽又和德
司馬新月有時剛落日半稜多七字亦未經人道

提督楊

愷

儀徵武進士也通識懿文康熙間受知聖

祖召入南書房與何義門蔣南沙諸前輩同校書史後
提督兩湖晚年歸老具盛饌招余文謙壁挂一器形如
陳臥長二丈許糊以黑紗指示余曰此軍中所用順風

耳也將軍與軍師有密謀則用之相離甚遠其語只二人聞他人不聞也壁上見許登瀛觀察贈一聯云天祿校書名進士岳陽持節老將軍殊切

紅蘭主人有句云西嶺生雲將作用東風無力不飛花其僕和福有句云一雙白鳥東飛急知是西山暮雨來溧陽狄夢松夢中得句云衆鳥歸來托繁林得所天初不解所謂後會試塲題與前詩意相合韻限天字卽用夢中句試官以其詩暗合聖意遂入選旋官翰林顧仙根興化人也有買僕詩云我家得一僕人家失一子同是父母心還當慎驅使可稱仁言

湖北蒲圻縣萬羊菴有吳荆山尙書題壁五律內有翻
字恩字和者如雲褚筠心學士視學其地有魚販空王
法鶯花造物恩又去路原來路君恩是佛恩吳白華侍
郎有小鳥踏花翻之句押翻韻極新盧元璣湘榼過其
地云斷雲千樹暝殘照一雅翻

奇中丞于蘇藩任內考紫陽書院鼠鬚爲筆題諸生課
卷三百餘本絕少佳句止有黃一機揮毫驚紙啣起草
憶燈窺二句爲一時之冠

廬湘艇拔貢朝考被斥捐州判赴皖需次自嘲云不爲
折腰吏權作磕頭蟲

吳門多閨秀近又得袁麗卿

廣芳

病起云月照欄杆影

半斜夜涼如水袂衣加經旬臥病紗窗裏孤負一欄指

甲花猶自慙慙嬾下樓憑欄閒弄玉搔頭今朝風自來

西北東面珠簾可上鈎汪宜秋

玉軫

中秋無月云擬向

嫦娥訴幽恨昏昏月又不分明雪云窗外竹梢三兩個

壓低漸近碧欄杆金纖纖

題

和同人集耘勉齋云綠綺

攜來橫膝上夜涼蟬醒水仙花病起云鸚鵡不知人病

久朝朝樓上喚梳粧又贈某女士云謝家飛絮蘇家錦

如此才真未見來余以爲此句是纖纖自道

錢塘項

塘

金門在吾鄉大開壇坫一時風雅之士歸之

如雲余到杭州必主其家讀其謝胡葑塘招遊湖上云
聞于翹足驚樂似聚頭魚落葉四句云客徑夜隨寒雨
墮僧窗晴帶白雲飄繞坡肩空過羣鹿隔水蕭疎抱一
蜩不愧老手